

**CENTRALNA BANKA
BOSNE I HERCEGOVINE**

Broj: UV-150-01-1-2018-9/19 ŽB

Sarajevo, 07.08 2019. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), a u vezi s odredbama Pravilnika o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH, broj: 66/16), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 9. sjednici od 30. jula 2019. godine, donosi

O D L U K U

o izboru najpovoljnijeg ponuđača u postupku javne nabavke usluga
proizvodnje kovanog novca – apoen 2 KM

Član 1.

(1) Centralna banka Bosne i Hercegovine (u daljnjem tekstu: Centralna banka), ugovor za nabavku usluga proizvodnje kovanog novca – apoen 2 KM, dodjeljuje ponuđaču The Royal Mint Limited, Ujedinjeno Kraljevstvo.

(2) Postupak javne nabavke iz stava (1) ovog člana proveden je u skladu s Pravilnikom o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH broj: 66/16).

Član 2.

(1) Ponuda ponuđača iz člana 1. ove odluke, glasi na iznos od

448 600,00 EUR

(slovima: četiristotinečetredesetosamhiljadašeststotina eura i 00/100)

(2) Zadužuje se Odjeljenje za bankarstvo Centralnog ureda Centralne banke Bosne i Hercegovine da, u skladu s uslovima iz ugovora koji će se zaključiti na osnovu Zakona o javnim nabavkama, izvrši plaćanje dobavljaču na račun koji naznači na fakturi.

Član 3.

Centralna banka će, po sticanju uvjeta za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti ugovor, za čije se izvršenje zadužuje Odjeljenje trezora Centralnog ureda Centralne banke Bosne i Hercegovine.

Član 4.

Centralna banka će o rezultatima provedenog postupka javne nabavke obavijestiti ponuđača.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke Bosne i Hercegovine.

Član 6.

Ova odluka, će se objaviti na web stranici Centralne banke www.cbbh.ba istodobno s upućivanjem ponuđaču koji je učestvovao u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke usluga proizvodnje kovanog novca – apoen 2 KM, pokrenut je Odlukom broj: 150-07-1-1159-2/19 ŽB od 5. aprila 2019. godine.

U skladu s članom 8. stav (1) Zakona o javnim nabavkama (Službeni glasnik BiH, 39/14) i članom 7. stav (3) i (4) Pravilnika o postupku dodjele ugovora o uslugama iz Aneksa II Dio B Zakona o javnim nabavkama (Službeni glasnik BiH, broj: 66/16), Centralna banka je, 17. maja 2019. godine, na web stranici www.cbbh.ba objavila Poziv za dostavljanje ponuda za prvu fazu – fazu pretkvalifikacije, broj: 150-07-1-1159-5/19 te ga uputila na tri adrese.

U predviđenom roku za dostavljanje ponuda, blagovremeno je dostavljena jedna ponuda, ponuđača The Royal Mint Limited, Ujedinjeno Kraljevstvo.

Komisija nadležna za provođenje postupka javne nabavke je izvršila pregled i ocjenu pristigle ponude i zaključila da pristigla ponuda ispunjava sve kvalifikacijske uvjete tražene u ranije navedenom pozivu te je Zapisnikom o pregledu i ocjeni dokumentacije, broj: 149-07-1-1577-4/19, od 7. juna 2019. godine dala preporuku da se može pristupiti drugoj fazi postupka, s navedenim ponuđačem.

U skladu s preporukom komisije, Odjeljenje za javne nabavke je izradilo Poziv za dostavljanje ponuda za drugu fazu – fazu dostavljanja početnih ponuda i pregovaranja, broj: 150-07-1-1159-9/19, od 12. juna 2019. godine, te ga dostavilo kvalificiranom ponuđaču iz prve faze postupka.

Kvalificirani ponuđač iz prve faze postupka je dostavio svoju ponudu, u predviđenom roku za dostavljanje ponuda.

Komisija je, 5. jula 2019. godine, izvršila pregled dostavljene ponude, i zaključila da je ponuđač dostavio svu traženu dokumentaciju za učešće u drugoj fazi postupka.

Prethodno navedenim pozivom za drugu fazu postupka je predviđeno održavanje pregovora s ponuđačem za 5. jula 2019. godine, u prostorijama Centralne banke Bosne i Hercegovine u Sarajevu. Također, Pozivom je predviđeno da će, u slučaju da se ovlašteni predstavnik ponuđača ne pojavi na pregovorima, Centralna banka smatrati da ponuđač ostaje pri cijeni iz dostavljene ponude.

S obzirom na to da je ponuđač pismeno obavijestio Centralnu banku da njegov ovlašteni predstavnik nije u mogućnosti prisustvovati pregovorima u terminu koji je odredila Centralna banka, komisija je Zapisnikom o pregledu i ocjeni ponude, broj: 149-07-1-1577-6/19 i Izvještajem o radu s preporukom, broj: 149-07-1-1577-7/19, oba od 5. jula 2019. godine, dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine



Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenju trezora;
- Odjeljenju za bankarstvo;
- Odjeljenju za računovodstvo i finansije;
- Odjeljenju za javne nabavke;
- u spis predmeta;